



Vista xeral dos gravados da Gurita I ao final da intervención, arriba, e detalle, abaixo, unha vez rematada a intervención.

- Corte da touza existente no espazo exterior inmediato á rocha con gravados. *

- Retirada mecánica dos depósitos superficiais e de sedimentación que cubrían as diáclases e o perímetro do afloramento.

- Eliminación mecánica en seco de plantas vasculares que medraron nas diáclases desde a intervención de 2007.

- Eliminación mecánica en seco de depósitos de briófitos (carrizas e hepáticas) que ocultaban os gravados e favorecerían a retención da auga.

- Eliminación de líques epilíticos.

- Eliminación do depósito negro con aplicación dun biocida.

Nos labores de limpeza adoptouse o criterio de mínima intervención, polo que se estableceu como obxectivo principal a eliminación da sucidade máis daniña e deformante, mantendo un grao de colonización baixo pero que conserva os líques endolíticos que conforman a pátina da pedra.

Así mesmo, co fin de evitar o despracemento de certas láminas de pedra a piques de desprenderse, practicouse unha actuación de adhesión/recheo das devanditas zonas, empregándose para a consolidación das placas un morteiro fluído de cal (PLM) entoadado coa rocha para os efectos de minimizar a súa presenza.

Os traballos na Gurita I completáronse co inicio da posta en valor da estación coa habilitación dun camiño de acceso mediante a roza manual da vexetación arbustiva nun ámbito de 8-10 m arredor dos gravados, así como a instalación dun panel explicativo e a sinalización desde a AC-550 ata a zona da Gurita. □